

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>




www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>





最勝佛頂陀羅尼淨除業障經
佛頂最勝陀羅尼經

唐中天竺三藏
地婆訶羅重奉制
法師地婆訶羅
譯

最勝佛頂陀羅尼淨除業障經、佛頂最勝陀羅尼經



清刻龍藏佛說法變相圖

二經同卷

最勝佛頂陀羅尼淨除業障經
佛頂最勝陀羅尼經

莫五

最勝佛頂陀羅尼淨除業障經

莫五

唐中天竺三藏地婆訶羅重奉制譯

如是我聞一時薄伽梵在室羅筏竹筍道場
於逝多林給孤獨園中與大比丘眾八千人
俱皆是住聲聞位尊者大阿羅漢眾所知識
其名曰尊者舍利子摩訶目乾連摩訶迦葉
阿泥律陀如是等諸大聲聞而為上首復有
無量菩薩摩訶薩眾一切皆是住不退轉地
之行無量功德之所莊嚴其名曰觀自在菩
薩妙吉祥菩薩得大勢菩薩慈氏菩薩勝蓮

華藏菩薩淨除一切障菩薩普賢菩薩如是等菩薩摩訶薩三萬二千人而爲上首與諸大衆時俱會坐復有萬梵天王梵摩天王善見天王而爲上首與其梵衆而俱會坐復有萬二千天帝釋而爲上首與無量天龍藥叉乾闥婆阿素洛迦嚕洛緊捺洛莫呼勒伽鳩槃荼畢舍遮人非人等大衆俱在會坐爾時世尊四衆圍遶恭敬瞻仰一心聽法時彼三十三天會於善法堂中有一天子名曰善住乘大寶宮天女侍從前後圍遶縱逸嬉戲與諸妓女共相娛樂時夜後分忽聞空中有聲喚言善住天子汝從今數却後七日汝當捨報墮於閻浮作七種畜生常食穢惡不淨之物次墮地獄備受諸苦經多劫後方得爲人雖得人身生無兩目矧陋麤醜諸根不具口

氣常臭恒乏衣食貧窮下賤人所棄惡爾時善住天子聞是語已心驚惶怖舉身毛豎愁憂不樂即嚴宮從香華供具詣天帝所跪禮足已哀惋啼泣白言天帝聽我所陳我於善法堂中將諸天女與諸天衆共相娛樂適於莫五向時忽聞空中有聲呼我名言汝後七日命期當盡下生閻浮受七返畜身不淨穢汙而爲食噉又入地獄受苦多劫後得人身生無兩目身處寒碎容貌麤醜口氣臭穢貧窮下賤苦惱纏縛人所不憐天帝云何令我得免爾時帝釋聞說此語甚大驚愕即時思惟善住天子前因何福今生天上受斯妙樂經爾多劫復何惡業天報遽盡閻浮之內受七畜生又入地獄備經多苦爲人無目衆惡備具爾時帝釋思惟是已復作是念而此善住爲

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



何畜身即以天眼觀其所報須臾在定便見善住受七畜者所謂猪狗野干獼猴蟒蛇烏鷲等輩常食極惡臭穢之物見是事已極助憂惱酸傷悲感痛切於心復作是念我但見此受報少分而諸因感深遠之事非我能測唯有如來正遍知海能知如是善惡等因如我應往諮問是事世尊大慈應爲我等說是所以或令善住得免斯苦爾時帝釋即於其時勅諸天衆各嚴宮侍華鬘瓔珞及種種香末香燒香天衣彌覆而爲供養於時帝釋將諸眷屬速疾來詣誓多林所到已奉獻頂禮佛足右遶七匝即於佛前廣大供養法事已訖却住一面承佛聖旨白言世尊善住天子與諸天女及諸天衆於善法堂遊戲自恣忽聞空中有聲告言善住天子後更七日天命

莫五

三

當盡受諸畜身入於地獄爲人不具備經多苦如上所說具以白佛唯願世尊爲諸四衆及我等輩說其因緣而此善住往昔之世修何福業生天受樂經爾多劫復何因緣命終墮落作如上等七種畜生一切不淨爲其飲食復入地獄受苦多劫雖得人身矧陋卑賤無目麤醜衆惡纏裹貧窮臭穢人所鄙棄又修何福感彼空中告語今知其報之者孰斯緣也唯願世尊愍其善住及我等輩說是因緣報應之本慈悲救濟今得解脫爾時世尊告帝釋言善男子汝大慈心能爲善住問其往昔因緣善惡業報之事又能請我除免其苦甚善大善諦聽諦聽吾當爲汝分別解說爾時世尊從於頂上放大光明流照十方一切佛界其光五色青赤黃白互相紛映右旋

宛轉還至佛所繞佛三匝從佛口入佛攝光
已佛便微笑告勅帝釋諦聽諦聽乃往過去
無量阿僧祇劫爾時有佛號毗婆尸如來應
供正遍知明行足善逝世間解無上士調御
丈夫天人師佛世尊化世緣盡般涅槃後於
像法中爾時有國名波羅柰時有婆羅門雅
誕一子身遂捨壽其母孤養年漸長大向田
營種貧母爲之處處求食未得之間食時稍
晚其子飢渴瞋心恚母便出惡言今日何緣
不來送食冤煩繫恨再三返復便出恚言我
母今者不如畜生我見豬狗野干獼猴鳥鷲
之類養育兒子爲憐念故猶尚不令飢渴無
暫捨離如何我母不來見看飢渴如是復不
送食懷是怨恨未久之間母求得食遽持來
至慰喻其子令使歡喜適坐欲食忽於空中

見一獨覺作沙門形飛從南來騰空北過其
子見已心生敬仰即起合掌頭面作禮邀屈
臨降時辟支迦便就祈請其子歡喜敷白茅
座獻淨妙華減其食分持以奉上比丘食已
爲說法要示教利喜其子於後復得出家而
被差作維那知事時有婆羅門造立僧坊安
置徒衆復有施主送多酥油時諸客僧在於
寺食維那見已心慳瞋恚嫌客煩亂酥油等
味都不與食客僧問曰此是檀越施現前僧
何故留之不行徒衆而是維那卒躁惡性即
便唱罵你客僧等何不噉屎噉尿索酥油耶
你眼盲耶見有酥油我匿之乎佛告帝釋爾
時婆羅門子者今善住天子是也由其恚言
將畜比母今招七返作畜生身又由作維那
時出食穢言業感令其常食不淨慳僧食故

地獄受苦罵盲瞎故得無目報五七百生中常
無兩目長處黑闇受大辛苦天帝當知如是
罪業有因會報終不敗滅復次天帝善住天
于得生天者由彼過去供養辟支數座獻華
恭敬施食聞法力故今受天福經爾數劫常
勝妙樂又由辟支騰空過時其人發心仰於
空中傾心致敬頭面作禮由是功德今賴空
中神聲預報其報之者即是善住守殿神也
爾時善住承佛所說即知自業皆是宿緣即
於佛前深自咎責由我過去恚母嫌僧惡罵
慳貪令我當來獲斯大罪今承聖旨盡令懺
悔即便舉身投躄於地遍身血瘀如笮華帝
悶絕良久方漸甦息號咷雨泣悲不自勝佛
告善住及天帝釋十惡業緣惡口尤最當知
惡罵甚於猛火而此猛火但焚七珍之財但

焚世間資玩等物惡口猛火能燒七聖之財
能燒出世一切功德消滅蕩盡遽招惡報如
汝善住一言恨母一罵衆僧燒天報盡復入
地獄天帝父母衆僧不應輕毀理當尊重恭
敬供養輒語稱讚常念其恩三界慈愛唯有
父母三世福田不過衆僧如八輩真僧十二
賢聖供養之者不虛功德欲求出世進可成
道寧應僧處輒生欺語父母生養劬勞辛苦
十月妊娠三年乳哺長養教誨艱憂備盡冀
其成立才藝過人又望出家度脫生死以是
思念昊天難報是故我語阿難左肩擔父右
肩擔母繞須彌山百千萬匝血流沒踝尚不
能報一日乳哺之恩豈應惡念輕生恚語佛
告天帝釋善住天子今見我故得五眼淨懺悔
徹故罪亦除滅佛顧善住而謂之曰汝止勿

莫五

六

泣我有法門名爲最勝佛頂陀羅尼呪持是
 呪者能令汝得離苦解脫善住我此最勝佛
 頂陀羅尼呪乃是百千萬億俱胝諸佛所說
 我今說之此陀羅尼者於諸佛頂最尊最勝
 能滅一切業障悉令清淨能拔地獄畜生閻
 摩羅趣能除一切衆生生死苦惱復告天帝
 此清淨佛頂最勝陀羅尼呪若有善男子善
 女人比丘比丘尼能受持者若讀若誦是人
 以是功德百千萬劫十惡五逆悉得消滅即
 得阿耨多羅三藐三菩提不轉此身獲宿命
 智從一佛國主一佛國常蒙普賢文殊觀音
 勢至摩頂授手受菩薩記常在道場聞持正
 法獲薩云智更增其壽身口意淨不遭橫死
 善觸充滿舉體清勝一切時處快得輕安若
 臨終時念此陀羅尼者即得往生諸佛國土

爾時帝釋聞佛稱歎最勝陀羅尼功德不可
 思議深樂歡喜一心渴仰白言世尊唯願如
 來愍念善住及我等輩亦爲未來末法衆生
 說此最勝佛頂陀羅尼呪我當修行願令一
 切衆生永離八難之苦爾時世尊爲天帝釋
 及善住天子四部衆等即說呪曰
 那謨薄伽跋帝一啼隸路迦鉢囉底毗失瑟
 吒拆佉切耶二勃訖引耶三薄伽跋帝四怛
 姪他五唵六毗輸馱耶七娑摩那三漫多瞞
 婆娑八娑破囉拏揭底伽訶那娑婆引瞞輸
 地九阿鼻誥者蘇揭多伐折時說那阿蜜唎
 多毗曠雞此取爾字阿引訶羅阿訶羅一阿
 引瑜散陀引羅尼二輸馱耶輸馱耶三伽伽
 那毗輸輸律切提四烏瑟尼沙毗逝耶輸提
 五娑訶娑囉喝囉濕珥珊珠地帝六薩引娑

但他揭多地瑟吒引那頰地瑟恥帝慕姪隸
七十拔折囉迦引耶僧訶多那毗輸提八十薩婆
 伐囉拏毗輸提九十毘羅底你伐但耶阿瑜輸
 提十二薩末那頰地瑟恥帝二十末你末你十二
 二 怛闍多部多俱胝鉢唎輸提二十毗薩普
 吒勃地輸提四十社耶社耶五十毗社耶毗
 社耶六十薩末囉薩末囉勃陀頰地瑟恥多
 輸提七十跋折唎跋折囉揭鞞八十跋折藍
 婆伐都九十麼麼其薩婆薩埵那上迦引耶
 毗輸提十三薩婆揭底鉢唎輸提三十薩婆怛
 他揭多三摩濕婆娑頰地瑟恥帝三十勃姪
 勃姪地耶切三十三蒲馱耶蒲馱耶三漫多鉢唎輸
 提三十薩婆怛他揭多地瑟吒引那頰地瑟
 恥帝三十娑婆訶三十
 佛告天帝我此清淨諸趣最勝佛頂陀羅尼

呪能淨除一切罪業等障能除一切三惡道
 若此陀羅尼呪八十八俱胝殑伽沙諸佛同
 共宣說嚴記守護隨喜讚歎一切如來所共
 印可能淨除一切衆生十惡罪故能拔一切
 地獄畜生餓鬼閻羅趣故若一切衆生福業
莫五漸薄應受短命殘病醜陋眇小貧賤盲聾瘖
 瘂應墮地獄畜生受諸苦惱聞我說是陀羅
 尼名者惡報消滅便得解脫若有衆生造集
 惡業十惡五逆一切罪障若輕若重皆悉消
 滅當得阿耨多羅三藐三菩提永離一切苦
 難永離一切畜生閻摩羅趣乃至阿素洛藥
 叉羅刹娑布單那迦吒布單那阿波娑摩羅
 如是等趣悉得解脫佛告天帝若復有人能
 受持此呪者從是受持已後永離惡趣恒與
 十方諸佛同居一處恒生菩薩勝侶之中或

託貴族婆羅門種常在道場諸佛淨土乃至成就無上菩提獲於如來正遍知海解脫身也佛告天帝及善住天子我此清淨諸趣最勝佛頂陀羅尼呪威神廣大具大功德有大威勢如吉祥日如摩尼珠皎潔無垢淨若虛空所在之處光明照世猶如世間最勝七寶一切衆生及諸國王王子王母百官宰相凡有見者共所貴重樂見無厭由是妙寶不爲穢汙之所染故天帝此陀羅尼者亦復如是若有受持讀誦書寫供養此人以是功德亦爲一切天龍八部之所貴重如彼妙寶不欲暫捨所以者何由是陀羅尼力能令一切地獄畜生餓鬼諸重罪等皆消滅故又由能令持者當得阿耨多羅三藐三菩提故佛告天帝及善住天子若有國王王子王母太子百

官宰相及諸比丘比丘尼善男子善女人等爲供養故書此陀羅尼呪安七寶塔中或寶師子座上若金剛臺中若舍利窠堵波內若高幢頭若有四生衆生或比丘比丘尼優婆塞優婆夷造十惡五無間業及四重禁一切重罪應生閻摩羅界乃至六趣隨處受苦是罪人等若於此陀羅尼塔邊往來塔上微塵落其身上者如上諸罪悉得除滅或有風過吹其塔等而復吹人少露身分即得生天受勝妙樂亦隨意樂往生淨土若有持是陀羅尼者適欲洗手以水灌掌其水墮地雷灑蟲蟻是諸蟲等即得生天是故若比丘比丘尼優婆塞優婆夷若男若女有能齋戒清淨六時不闕持此陀羅尼者是人三世所有五逆四重十惡根本一切重罪悉當消滅爲諸菩

薩及諸如來手摩其頭受菩薩記而告之言
善男子汝能受持最勝佛頂陀羅尼呪汝當
來世必得阿耨多羅三藐三菩提佛告天帝
若復有人能於四衢道中造諸寶塔或立高
幢安此陀羅尼經復以種種華香瓔珞七寶
嚴具奇妙衣服飲食湯藥而爲供養是人功
德無量無邊是人福智不可稱計是人即是
菩薩摩訶薩是人即是佛之眞子所以者何
拔濟塔下往來無量諸衆生故爾時閻摩羅
法王即於是夜分後時將諸眷屬百萬億
千持諸香華種種嚴具來至佛所奉獻於佛
右遶七帀頂禮佛足以諸華香而爲供養白
言世尊我聞世尊演說最勝佛頂陀羅尼呪
今我故來爲欲聽受隨順言教而守護故爾
時復有護世四天王忉利天主釋提桓因及

空居夜摩天觀史多天化樂天他化自在天
梵天王大梵天王等各將眷屬持種種香華
瓔珞來詣佛所而爲供養右遶七帀白言世
尊唯願爲說最勝佛頂陀羅尼呪受持法要
令我曉了成就供養佛告護世及大梵王閻
摩羅等諦聽諦聽吾爲汝說若有一切苦難
衆生罪極重者無救護者當於白月十五日
洗浴清潔著淨衣裳受八戒齋於菩提像前
正心右跪誦此陀羅尼呪滿一千八遍是人
所有諸罪業障悉皆消滅當得總持陀羅尼
門辯才無礙清淨解脫佛告天帝若人雖未
誦持但得聞此陀羅尼音一經耳者即能熏
其賴耶爲佛種子譬如小許金剛墮於地上
即能穿入其地雖厚不能留礙決至本際方
乃當住此呪亦爾一經耳者即能熏其習性

要成正覺煩惱雖重亦不障蔽十一設復墮於地獄畜生餓鬼終不爲諸業報令其沉沒要當乘是呪力任運增修至于佛地天帝若有四主衆生一聞是陀羅尼者現生一期更無他疾諸苦惱事不復重受而亦不受胞胎之形所生之處蓮中化身諸漏結使從是永斷五眼清淨得宿命智而復當得阿耨多羅三藐三菩提佛告天帝若人初亡及亡已久有人以此陀羅尼呪呪黃土一把滿二十一遍散其骸上而是亡者即得往生十方淨土若亡者寃識已入地獄畜生餓鬼閻羅趣者呪土霑骨便得解脫即捨惡趣而得生天佛告天帝若有短命衆生欲求長壽者於白月十五日洗浴清潔著新淨服齋戒一心誦是陀羅尼滿一千八遍令命短者還得長壽一切業

障悉皆消滅佛告天帝若復有人就於一切畜生耳中誦是陀羅尼呪唯一遍者而是畜生耳根一聞如是陀羅尼故盡此一形不復重受禽畜之身應入地獄即得免離佛告天帝若人遇大惡病受諸苦惱聞是陀羅尼呪即得離苦罪障消滅乃至四生衆生聞此呪者悉捨病苦離胞胎形乘蓮化生常識宿命一切生處憶持不忘佛告天帝若人生來具造十惡五逆四重根本等罪自惟乘此惡業命終之後必定當墮阿鼻地獄受諸大苦經千多劫劫盡更生若墮畜生雜類禽獸循環惡道無復救護是人應當白月十五日在菩提像前以金銀器可受一升盛好淨水安置壇內受菩薩戒持齋潔淨於壇西畔面東向像燒香禮拜右跪繫念至誠啓白誦此陀羅

其五

十二

尼呪滿一千八遍於其中間不得間斷而以
 是水散灑四方及以上下願令一切同得清
 淨作是法已如上惡業應入地獄畜生餓鬼
 便得解脫一切罪報悉皆消滅閻羅赦赦司
 命歡喜不生瞋責反更心恭合掌隨喜讚其
 功德若捨其報生諸佛國十方淨刹欲往隨
 願又十五日呪其酥蜜及於菓菱一千八遍
 與人食之其人食已所有十惡五逆等罪悉
 皆消滅而復當得阿耨多羅三藐三菩提佛
 告天帝若欲作此曼荼羅法者於白月十五
 日以香水黃土及瞿摩夷作泥塗壇其壇方
 圓四肘為量稜伽五色周币三重於壇四邊
 更作一重眷屬稜伽以白色規界而於壇中
 盡散諸華以四瓶水安壇四角畫蓮華上其
 水瓶者悉須齊量不得大小持舍利瓶和盛

牛黃中蓮華上恭敬安置又於壇中散種種
 華焚種種香龍腦鬱金沉水等香然種種燈
 酥燈油燈及於香燈獻種種食粳米乳酪酥
 油石蜜蒲萄石榴二種之漿七寶器盛奉於
 壇內爾時行人持菩薩戒律儀清淨餐三白
 食著新淨服於壇西畔合掌右跪心祈念已
 先當作佛護身印印作佛心慕陀羅尼法誦
 此最勝佛頂陀羅尼呪一千八遍一切惡業
 十惡等罪悉皆消滅當得阿耨多羅三藐三
 菩提諸佛菩薩親摩其頂授菩提記欲詣菩
 薩所居之處即蒙菩薩將往自宮隨逐往來
 十方佛土佛告天帝如是最勝佛頂陀羅尼
 呪於末法時若有比丘比丘尼優婆塞優婆
 夷及國王國母王子王母太子妃后百官宰
 相人非人等乃至一切衆生但解語者有能

作是曼荼羅法清淨塗地若以土以水若以香水及瞿摩夷而嚴飾之散華燒香幢蓋幡燈若以種種珍寶飲食供養之者是即名為檀波羅蜜營壇之時有惱不瞋是即名為羸提波羅蜜修壇勤勇不懈不怠是即名為毗梨耶波羅蜜專明法則一心不亂是即名為禪波羅蜜布置端正不喞不斜善知分齊可與不可是即名為般若波羅蜜天帝依是言教建法事者是即具足六波羅蜜是故應當展轉開示一切衆生多所饒益獲菩提故佛說經已帝釋善住還於自宮善住天子休教持誦滿七日後自見罪報一切悉滅更加天命增壽無量即與帝釋將諸天衆嚴持香華種種殊妙天衣瓔珞而來供養頭面禮佛慶大慈悲歡喜踊躍旋繞千匝爾時世尊舒金

色手摩善住天子頂復為善住受菩提記而告之言此經名為最勝佛頂陀羅尼淨除業障呪經汝等四衆應當受持爾時四衆菩薩摩訶薩及天龍八部乾闥縛阿素洛羯路荼緊捺洛莫呼勒伽鳩槃荼畢舍遮人非人等其五聞佛所說皆大歡喜作禮而去信受奉行十四

最勝佛頂陀羅尼淨除業障經

佛頂最勝陀羅尼經序

弘福寺沙門彥惛述

夫業理綿微二乘不足臻其極神宰惚恍十地未易暨其深則知賦命交加罕言於孔宣父報應叢雜冥昧於太史公是以先笑後號鷓雀祥而莫准始凶終吉桑穀妖而弗驗或倚或伏之說柱下庶欲照其幾為禍為福之談塞上僅可隣其次若乃探緣洞業索果明因儔絜大於百家孰有京於十力故能息善住之萬惡杜閻摩之圓戶轉凡階聖引短成脩比宋景之退法星猶蒂芥於三舍偶魯陽之擣落日故齟齬於再中何只庇託延祺見聞招賴恧神香於異域恥靈草於瓊田若斯而已哉乃將輕埃附而九惱祛清吹獵而三障殄皎鏡齊光於日寶暉煥比麗於天金雖

事若反常而乘機顯妙奚可以常人之耳目莫五十五擬議大聖之希夷者焉此經以儀鳳四年正月五日朝散郎行鴻臚寺典客令杜行顛與寧遠將軍度婆等奉詔譯進時有廟諱國諱皆隱而避之即世尊為聖尊世界為生界大勢為大趣救治為救除之類是也上讀訖謂行顛曰既是聖言不須避諱杜時奉詔以正屬有故而寢焉無幾勅中天法師地婆訶羅於東西二京太原弘福寺等傳譯法寶而杜每充其選余時又參末席杜嘗謂余曰弟子庸材不閑文體屈師據勅刪正亦願依文筆削余辭以不敏載涉暄寒荏苒之間此君長逝余歎惋流涕思其若人又懼寢彼鴻恩乖於貝牒因請沙門道成等十人屈天竺法師再詳幽趣庶臨文不諱上奉皇私曲盡方言

下符流俗故乃具表曲委陳諸始末俾夫披覽之士無猜此教焉于時永淳元年五月二十三日也

佛頂最勝陀羅尼經

唐中天竺三藏法師地婆訶羅譯

如是我聞一時佛在舍衛國祇樹給孤獨園與大比丘衆八千人俱復有菩薩摩訶薩等一切皆得正智明炬照於諸法無所罣礙其名曰文殊師利菩薩蓮華勝藏菩薩離諸障菩薩觀世音菩薩得大勢菩薩執金剛菩薩虛空藏菩薩普賢菩薩彌勒菩薩持地菩薩摩訶薩等如是上首三萬二千人俱復有萬梵天王善吒天等各從餘世界來至佛所復有萬二千天帝與無量諸天龍八部人非人等來至佛所爾時世尊四衆圍遶供養恭敬而爲說法當是之時釋天衆中有一天人名曰善住與諸天女處大寶宮放逸嬉戲恣情受樂其夜有聲呼善住曰却後七日汝定命

莫五

十六

終於閻浮提七返生死從是已後復入地獄從地獄出後得人身生盲貧窮具受諸苦善住聞已心驚惶怖身毛爲豎顫慄不安奔馳往詣彼釋天所陳已所聞請求哀救時釋天王聞善住言心生驚悼默而思曰云何七生彼生何類作是念已即見善住死相現前受於豬身畢豬身已復受狗身如是次第狐身猴身毒蛇之身鳥身驚身如是七生恒食臭穢時釋天王見此事已深哀善住必受斯苦自念於彼無如之何唯佛世尊方能救濟時釋天王於夜後分齎諸華鬘衣服瓔珞種種香等詣舍衛國供養世尊禮佛雙足却住一面而白佛言世尊我所止宮有一天子名曰善住耽荒戲樂縱情遊處夜忽有聲呼而謂曰汝後七日必定命終於閻浮提受七惡報

所生之處常食臭穢從是已後復入地獄從地獄出得主人中盲瞽貧窮具受眾苦向我求救無如之何我思世尊方能救彼爾時世尊聞見釋天陳請畢已頂放種種雜色光明流照十方一切世界照已還至佛世尊所右遶三匝從佛口入佛便微笑告釋天言我有如是清淨諸趣灌頂最勝大陀羅尼能滿汝願救於彼苦亦大饒益一切眾生天帝我此神呪力能滅除一切業障地獄畜生閻摩羅等種種諸苦又能破壞地獄等道令諸眾生登正覺路天帝若有暫能聽聞之者悉得消滅一切業障生死諸苦當獲善利得宿命智從一佛國至一佛國從一天中生一天中所生之處常識宿命若有學習此經呪者現百年限更增其壽身口意淨泰然安樂諸佛觀

視諸天衛護一切菩薩咸加慈念若常讀誦此經呪者彼三惡道所有諸苦息滅不行一切佛刹諸天福門導之令入時天帝釋聞佛讚說此陀羅尼前白佛言世尊唯願如來憐愍攝護一切眾生請說所陳清淨諸趣佛頂最勝大陀羅尼爾時世尊受天帝請即為演說陀羅尼曰

納謨納莫一但薩謎薄伽跋帝二唵唎路迦
 引鉢羅底秘失瑟吒引拆耶三余三菩馱引
 耶四摩訶牟去聲怛姪他六嗚咩七香
 輸馱耶八三摩三漫多何婆去聲婆賀婆九嚩
 破羅拏去聲底伽訶那十嚩婆何婆婆舜入聲
 提十阿鼻誣者麼蘇伽陀跋羅跋繕那二十阿
 蜜唎多引毗曬鷄平聲乎引上喝囉上聲阿
 引喝囉上聲阿引去瑜散去聲陀引囉昵上聲五輸

馱耶輸馱耶莫五 薩婆羯摩婆羅拏引 你七 謎
 盧羅跋伽那毗舜去聲 提八 鳴瑟膩引 沙
 跋羅曷囉怛那毗社耶九 達摩馱都蘇毗舜
 提二 薩訶薩囉喝囉濕弭珊珠地帝二十 末
 昵摩訶末昵蘇真陀末昵二 跋囉薩婆怛
 他揭多地瑟唵引 那地瑟恥多二十 摩訶母
 姪唵四 跋折囉箇引 耶僧訶哆那蘇舜提
二十 薩婆婆羅拏毗舜提六 鉢刺底婆你
 婆哆耶余何切 啊去聲 瑜舜提二十 三摩耶頰地
 瑟恥低八 末你摩末你九 怛闍多部多
 俱胝鉢李舜提三 毗芳已切 薩普多醜地平聲 舜
 提三十 社耶社耶三十 毗社耶毗社耶三十
 毗社耶薩摩羅薩摩羅四 薩婆菩馱引 頰
 地瑟恥多舜提三十 跋折唵跋折囉揭鞞十三
 六 跋折覽婆伐都三十 麼麼自稱 薩婆薩埵

耶引 三箇耶毗舜提三十 薩婆伽去聲 底平聲 鉢
 李舜提四 薩婆怛他揭多四 三磨去聲 室縛
二字合聲 娑頰地瑟恥低二 醜陀地耶切 醜
宿賀切 善陀耶善陀耶四 三曼多末囉達
 陀三 摩馱都鉢李舜提四 薩婆怛他揭多四
 頰地瑟唵引 那頰地瑟恥低七 娑婆呵十四
 佛告天帝此陀羅尼八十八億百千恒河沙
 諸佛世尊所共宣說守護稱讚智印印之如
 是諸佛為欲解脫地獄畜生閻摩羅等沉溺
 苦海諸苦毒故又為利益短壽薄福卑陋下
 賤一切衆生諸惡業故又為安樂趣諸惡道
 天逝亂心一切衆生諸苦惱故是故諸佛說
 此最勝大陀羅尼天帝汝當以此大陀羅尼
 授善住天令彼修習亦當為彼諸天天子及

閻浮提一切衆生宣揚顯說令彼衆生受持
讀誦供養恭敬尊重讚歎天帝我以此法陀
羅尼印付囑於汝汝當奉持此呪者悉能
除滅百千劫中一切罪業所生之處常遇諸
佛乃至獲得無上菩提天帝我此法印大陀
羅尼具大吉祥如日藏寶所在之處光明照
朗亦喻於彼閻浮提金無穢無瑕不染塵垢
若人有能讀誦書持憶念修行供養之者悉
得如上所有功德天帝若有書此大陀羅尼
安彼高幢置高山上高屋高處及高塔中令
諸四衆遠近見者亦得如上所有功德或爲
幢影影覆其身或爲幢風風所吹鼓或幢飄
颺飛塵全身亦得如上所有功德天帝若有
四衆能於彼彼四衢道中造作塔廟安置如
是大陀羅尼日能以種種華鬘繒幡幢蓋

瓔珞香等以用供養及能旋遶恭敬禮拜當
知是人是大菩薩是真佛子是法橋梁亦是
諸佛舍利寶塔爾時閻摩法王聞是事已其
夜將曉賫持種種雜色寶華種種香寶衣
瓔珞來詣佛所頂禮佛足右遶七匝却住一
面以諸供具供養如來修供養已莫五白佛言世
尊我今爲欲報佛恩故常勤奉事此大威力
具大果報擁護一切閉地獄門清淨諸趣大
陀羅尼爾時四天王從座而起遶佛三匝前
白佛言世尊唯願爲我說此修行陀羅尼法
佛告四天王諦聽諦聽善思念之吾爲汝等
及諸衆生說彼修行陀羅尼法若有命短求
長壽者或有病苦求除愈者或有惡業應墮
地獄餓鬼畜生諸不善趣如是等類皆當以
彼月十五日洗浴清淨著新潔衣又當受持

八戒齋法然後誦此大陀羅尼滿足千遍當獲安樂增其壽命所有痛苦皆得除愈諸惡業報悉滅無餘若有耳聞如是呪者盡其壽命往極樂國蓮華化生常識宿命若有爲彼惡業所牽已命終者亦當誦此陀羅尼呪二十一遍以呪呪土散其屍上隨所生處捨彼苦身生天受樂若能日日誦此最勝大陀羅尼經三七遍亦得如上所有功德生生常處淨佛國土於諸佛刹作大光明常與佛俱爲佛所記乃至獲得大般涅槃若有諸人於此法門如上所求諸心願者當作一壇四方正其五等於其壇內散種種華燒衆名香一心普念十方諸佛右膝著地踞跪合掌屈二頭指按二拇指當於心上稱言善哉然後誦此陀羅尼呪若有人能誦持此呪日日滿足一百八

遍即爲供養如上所說恒河沙等諸佛世尊亦爲供養汝等四王當知是人一切讚善以大菩提莊嚴其心獲無礙智是真佛子爾時世尊說此語已告天帝言天帝汝可以此陀羅尼法授彼善住滿七日已可與彼俱來至我所時釋天王受佛教勅還本天宮呼善住來授彼神呪善住聞已恭敬供養如說奉行至于七日諸惡業等皆得除滅於已天中增其壽命歡喜踊躍發大聲言奇哉佛陀奇哉達磨奇哉僧伽奇哉最勝陀羅尼印力能滅除一切苦厄令我得脫如是惡業時善住天見是事已即便往詣彼天帝所作如是言我蒙天恩爲我請佛佛爲我說大陀羅尼今我惡業皆悉除滅我欲往謝佛世尊恩唯願天王與我俱往時天帝釋將諸部屬與善住俱

持諸香華眾妙瓔珞乘天寶輅至於佛所以
 諸供具供養如來遶百千市住一面立歌詠
 佛德言不能宣爾時世尊伸金色手撫彼善
 住發和雅音授其記莈時善住天歡喜却坐
 聽於如來所說法要聞說法已心懷踊躍與
 天帝俱禮佛而退

佛頂最勝陀羅尼經

音釋

𦍋 昨禾切 𦍋 烏貫切 躁 則到切 躡 房益切
 𦍋 矮也 𦍋 驚歎也 躁 不靜也 躡 倒也
 痰 依倨切 氣 筆 壓也 吡 徒高切 號 妊 娠
 血 壅 疾 也 壓 也 吡 哭 聲 也 妊 娠
 妊 汝 祭 切 娘 夫 人 蹠 兩 旁 也 骸 胡 皆 切
 切 妊 娠 並 孕 也 蹠 兩 旁 也 骸 胡 皆 切
 草 菱 草 畢 吉 切 鸛 諸 延 切 搗 指 搗 也 齟 齟
 菱 草 畢 吉 切 鸛 諸 延 切 搗 指 搗 也 齟 齟
 齟 側 呂 切 齟 魚 巨 切 慙 女 六 切 祛 去 俱 切
 齟 齒 齒 不 相 值 也 慙 女 六 切 祛 去 俱 切
 荏 苒 荏 而 甚 切 苒 而 瑣 也 顛 顛 之 騰 切 四
 切 荏 苒 猶 侵 尋 也 顛 顛 之 騰 切 四
 力 質 切 悼 徒 到 切
 練 維 也 悼 懼 也

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>

